

23. Oktober 2015

Danskit ilinniarnermi siuariartornissaq pillugu nutarterinerat ilinniagaqartunut nunatsinneersunut Danmarkimi najugaqartunut danskit ilinniagaqarnermi tapiissutigisarta-gaannit pissarsisinnaatitaasunut sutigut aaljangersimasutigut qanoq kinguneqarsima-neranik misilittagaasimasut pillugit danskit naalagaaffianni pisortanut paasisassar-sioqqullugit Naalakkersuisut peqquneqarnissaannik Inatsisartut aaljangiiffigisassa-tut siunnersuut.****

(Inuit Ataqtigiit Inatsisartuni ilaasortaaitaat)

Qallunaat Nunaanni ilinniagaqartunut tapiissutisarnepup nutarteriffigineqarnerata kingorna ilinniagaqartut nunatsinneersut Qallunaat Nunaanni ilinniagaqarnerminni tapiissutinik pissar-sisinnaasunut atugassarititaasut kingunerisaannik Naalakkersuisut misilittagaalersunut Qallu-naat naalagaaffianni pisortanut paasisassarsiornissamik peqquneqarnerat Siumumiit ima oqaaseqarfigissavarput.

Nunatsinni ilinniarsimassutsip sutigut tamatigut qaffassartuarnissaa pingaarteqaarput, taa-maammallu aamma Inuit Ataqtigiit Naalakkersuisusunut misilittagaalersunut paasisassarsioq-qusinerat paasilluarlugu.

Inuusuttorpassuit Nunarput qimallugu ilinniariarlutik aallartarput, ilarpassuulu ilinniakkamik qaffasissumik ingerlatsisarput, tamatumalu malitsigisaannik Nunarput ukiorpassuit ilaanni qimassimasarlugu. Nunatsinni ilinniarsimassutsip qaffassartuarnissaannut annertuumik pisa-riaqartitsivugut, taamaammallu aamma pissusissamisoortipparput Qallunaat Nunaanni ilinnia-gaqarnerup nalaanni tapiissutit nutarterneqarsimasut Nunatsinniit ilinniariarsimasunut kingu-nerisaanik paasisassarsiornissaq.

Ilinniarnepup nalaanni tapiissuteqartarnerup nutarteriffigineqarnerata siunertaannut ilaasoq tassaavoq ilinniartut piffissarititaasup iluani naammassinnittarnissaat, Kalaallinullu ilinniaga-qartunut nunagisaq qimallugu ilinniakkamik aallartitsineq immi unammillernaannarani allar-passuarnik unammillerfiusarpoq. Inooriaaseq nutaaq, qanigisat, ilaquttat, ikinngutit kiisalu minnerunngitsumik nunagisaq qimallugu inuuneq nutaamik tunngavissiorneqartarmat. Inuusuttumut inuuneq nutaaq, misigisat nutaat pissanganartut. Ilaatigulli aamma unammiller-neq inooriaatsimut, kulturimut oqaatsinullu allaalluinnartunut.

Eqqaanngitsoorumangilara Siumumiit nuannaarutigigatsigu Naalakkersuisut tamanna aamma eqqummaariffigimmassuk, ilinniartullu pitsaanerpaamik atugaqarnissaat qularnaarumallugu suliniutinik assigiinngitsunik aallartitsisimmata kiisalu qallunaat nunaanni Naalakkersuiner-mik suliaqartut aaqqissuussinerup nutaap misissuiffigineqaqqinnissaannik amerlanerussute-qartut ujartuimmata tassuunalu tikkuussisoqarmat ataavartumik nalilersuisarnissaq tamanit pi-massuseqarfigineqartoq.

Nunaqqatigut nunarput qimallugu ilinniagaqalersartorpassuit nunatsinni atorfissaqarteqaagut, taamaammat aamma ilinniakkaminnik naammassinnissimasut tikilluaqquserpalaartumik saaffissaqarnissaat uanissaaq isumaqarpunga eqqumaffigineqartariaqartoq. Ilinniartorpassuit ilinniarnermi ilaqaqalersimasarput amerlasoorpassuillu aamma kinguaaqalersimasarlutik. Amerlanerpaat nunatsinnut uteqqittarnissaat aqqutissiuukkumallugu saaffissaqarnissaat qularnaarneqartariaqarpoq. Nunatsinnut uteqqinnissaanni aporfiusinnaasut minnerpaaffissaaniitinniarlugu.

Siumumiit nuannaarutigaarput isumaqatigiittumik nalilersuiuarnissaaq ilinniartortatsinnullu pitsaasunik atugaqartitsinissaaq tamatta soqutigisarigatsigu, siunnersuutigineqartullu pitsaaqutaasunik aporfiusinnaasunillu eqqumaarinnissaaq ujartuiffigimmagu qujarullugu ataatsimiitsitaliamut susassaqartumut ingerlateqqinneqarnissaa innersuussutigaarput.

Vivian Motzfeldt
Siumut